

Lehenengo kapitulua

Izena eta lege araubidea

1. artikulua.- **Alaña-Arrindatarren Alkarrune Alkartea** eratu da, Elkartzeko Eskubidea arautzen duen martxoaren 22ko 1/2002 Lege Organikoan eta Eusko Legebiltzarrak onartutako Euskadiko Alkarteei buruzko ekainaren 22ko 7/2007 Legean ezarritakoaren arabera eta Euskal Herriaren Autonomia Estatutuaren 9. eta 10.13 artikuluetan azaltzen denarekin bat etorritz.

Alkartea arau hauen mende egongo da: aipatutako alkarteei buruzko legeak, estatutu hauek (legearen aurkakoak ez badira), alkartearen gobernu organoek behar bezala hartutako erabakiak (legearen edota estatutuen aurkakoak ez badira) eta Eusko Jaurlaritzak onesten dituen araudiko xedapenak (azken horiek osagarriak izango dira).

Alkartearen helburuak

2. artikulua.- Hona hemen alkarte honen HELBURUAK:

- Alaña-Arrinda senideon arteko hartuemonak lantzea
- Ilobak autonomoak izan daitezen eta lanaren garrantziaz ohar daitezen ezagutzak eta jakintzak lantzea: igeltsaritza, elektrizitatea, iturgintza, etab.
- Nebarrebek eta ilobek leku bat izatea, denona, alkar egoteko eta baita asteburuetan eta oporretan arkalaz egoteko.

Helburu horiek lortzeko, JARDUERA HAUEK egin ahal izango dira, ezarritako legezko betekizunak bete ondoren:

- San Juan 26ko etxea auzolanean konpondu
- Ilobei oinarrizko ezagutzak transmititzeko egun pasak antolatu
- Euskera, euskal kultura eta euskal sena bultzatzeko ekimenak egin

Helbide soziala

3. artikulua.- Alkarte honen egoitza helbide honetan egongo da: San Juan auzoa 26, Ubide, Bizkaian, 48145ean.

Alkarteak beste lokal batzuk ere eduki ditzake, Batzar Nagusiak hala erabakitzen badu.

Lurralde eremua

4. artikulua.-Alkarteak batez ere hemen garatuko ditu bere funtzioak: Euskal Autonomia Erkidegoa.

Iraupena eta izaera demokratikoa

5. artikulua.- Alkartea iraunkorra izateko eratu da, eta VI. kapituluan esaten den bezala ezohiko Batzar Nagusian hartutako erabaki bidez baino ezingo da desegin, edo legeetan aurreikusitako arrazoiren batengatik.

Alkartearen funtzionamendua eta barne antolamendua demokratikoa izango da, eta



Nahi izanez gero, J0D0Z-T2MCM-EM6P bilagailua erabilita, dokumentu hau egiazkoa den ala ez jakin liteke egoitza elektronikoko honetan: <https://euskadi.eus/lokalizatzailea>

La autenticidad de este documento puede ser contrastada mediante el localizador J0D0Z-T2MCM-EM6P en la sede electrónica <https://euskadi.eus/localizador>

pluraltasuna erabat errespetatuko da. Erabat deusezak izango dira elkartzeko oinarrizko eskubidearen alderdietako edozein betetzen ez duten itunak, estatutu xedapenak eta erabakiak.

Bigarren kapitulua

Aginte eta administrazio organoak

6. artikulua.- Alkartearen agintea eta administrazioa kide anitzeko organo hauen esku egongo da:

- Bazkideen Batzar Nagusia izango da organo gorena.
- Zuzendaritza Batzordea izango da kide anitzeko zuzendaritza organo iraunkorra.

Batzar Nagusia

7. artikulua.- Batzar Nagusia bazkide guztiek osatzen dute, eta organo honen bidez adierazten dira bazkideen nahiak.

Batzar Nagusiaren ahalmenak:

- a) Alkartearen jarduera plan orokorra onartzea.
- b) Urteko kontuak eta hurrengo ekitaldiko aurrekontua aztertu eta onartzea.
- c) Zuzendaritza Batzordearen kudeaketa onartzea.
- d) Estatutuak aldatzea.
- e) Alkartea desagitea.
- f) Presidentea, idazkaria, diruzaina eta kide anitzeko aginte organoko gainontzeko kideak –horrelakorik baleude– izendatzea eta kargutik kentzea; eta horiek guztiak ikuskatu eta kontrolatzea.
- g) Beste alkatte batzuekin batera federazioak eta konfederazioak osatzea, edota horietatik ateratzea.
- h) Ondasun higiezinak erabili edo besterentzeko erabakiak hartzea.
- i) Aginte organoko kideei ordaindu egin behar zaiela erabakitzea, hala komeni bada.
- j) Kuota arruntak eta bereziak ezartzea. Ahalmen hori, hala ere, Batzar Nagusiak aginte organoari eskuordetu diezaioke horretarako bereziki hartutako erabakiaren bidez.
- k) Bazkideak behin betiko kanporatzeko erabakia hartzea.
- l) Beste organo sozialen bati esleitu gabeko beste edozein eskumen.

8. artikulua.- Batzar Nagusiak saio ohiko bilkurak eta ez ohiko bilkurak egingo ditu.

9. artikulua.- Batzar Nagusiak gutxienez urtean behin egin beharko du ohiko bilkura, 7. artikuluko a), b) eta c) idatz zatietan zehaztutako erabakiak hartze aldera.

10. artikulua.- Batzar Nagusia Zuzendaritza Batzordeak erabakitzen duenean bilduko da ezohiko bilkuran, bere ekimenez edota bazkideen %. 25ek eskatu duelako. Bilkura eskatzeko arrazoiak eta helburuak azaldu beharko dira, baina, nolanahi ere, honako gaiak aztertzeko eta erabakitzeko bilduko da:

- a) Estatutuak aldatzea.
- b) Alkartea desagitea.

11. artikulua.- Batzar Nagusia biltzeko deialdiak idatziz egin behar dira, eta bilkuren tokia, eguna eta ordua adierazi beharko dira, bai eta gai zerronda ere eztabaidatuko diren gaien

aipamen zehatzarekin. Deialdia egiten denetik bilkura lehen deialdian egiteko ezarritako egunaren artean gutxienez bost egun pasatu beharko dira. Hala badagokio, bigarren deialdiaren data eta ordua ere adieraz daitezke. Dena dela, deialdi batetik bestera gutxienez ordu erdiko tarteak utzi beharko da.

Batzar Nagusiak –ohikoak nahiz ezohikoak– deialdian balio osoz eratuta geratuko dira lehenengo deialdian, botoa emateko eskubidea duten bazkideen herena bertaratzen bada; eta bigarren deialdian, botoa emateko eskubidea duten bazkideen kopurua edozein dela ere.

12. artikulua.- Batzar Nagusiaren erabakiak gehiengo soilez hartuko dira, hau da, bertaratuen nahiz ordezkatuak baiezko botoak ezezkoak baino gehiago direnean. Dena den, bertaratutakoen edo ordezkatuak gehiengo osoa beharko da (erdia + 1), honako erabaki hauek hartzeko:

- a) Alkartea desegitea.
- b) Estatutuak aldatzea.
- c) Ondasunak erabili edo besterentzea.
- d) Ordezkaritza organoko kideei ordaintzea.

13. artikulua.- Bazkideek beste edozein bazkideri eman ahalko diote beraiek ordezkatzeko ahalmena Batzar Nagusietan. Ordezkaritza hori emateko baimena idatzirik egin beharko da, eta batzordeko idazkariak saioa hasi aurretik eduki beharko du. Alkartearen helbide soziala dagoen herritik kanpo bizi diren bazkideek postaz bidali dezakete ordezkariak beste norbaiten esku uzteko agiria.

Zuzendaritza Batzordea

14. artikulua.- Zuzendaritza Batzordea da Batzar Nagusiaren xedapen eta zuzentzauei jarraikiz alkartearen interesak kudeatzen eta ordezkatzeko dituen organoa. Bazkideek baino ezingo dute osatu ordezkariak organoa.

Batzordea honako hauek osatuko dute:

- X Lehendakaria
- X Idazkaria
- X Diruzaina
- Idazkaria- Diruzaina
- Idazkariak, diruzaintza eginkizuna bete dezake
- Lehendakariordea
- X Batzorkideak Gehienez: 10
- Bestelakoak: Adierazi

15. artikulua.- Zuzendaritza Batzordeko kideren bat bilera horietara 5 aldiz jarraian, edo, tarteka 10 aldiz agertzen ez bada, dagokion kargua utzi egin beharko du, hutsegite horiek ez baditu arrazoitzen.

16. artikulua.- Batzar Nagusiak hautatuko ditu Zuzendaritza Batzordeko kargudunak. Kargu horiek 3 URTERAKO izendatuko dira, Batzordeak berariaz baliogabetu ezean, eta kargudun berbera behin eta berriro hautatu ahal izango da.

17. artikulua.- Pertsona fisikoek zein pertsona juridikoen ordezkariak baldintza hauek bete beharko dituzte Zuzendaritza Batzordeko kideak izateko:

- a) Adin nagusikoa izatea, eskubide zibil guztien jabe izatea, eta indarrean dauden legeetan ezarritako bateraezintasun arrazoirik ez izatea.
- b) Estatutuetan aurreikusitako moduan izendatua izatea.
- c) Erakundeko bazkidea izatea.

18. artikulua.- Zuzendaritza Batzordeko kide izateko, lehendabizi, Batzorde Orokorrak izangaia hautatu behar du, eta, gero, izendatu horrek kargua onartu behar du.

Zuzendaritza Batzordeko kideen dieta eta gastuak ordaintzea erabaki dezake Batzar Nagusiak.

19. artikulua.- Zuzendaritza Batzordeko kideek beren kargua utziko dute honelakorik gertatuz gero:

- a) Agintaldia bukatzen denean.
- b) Dimititzen dutenean.
- c) Bazkide izateari uzten diotenean, edo kargua betetzeko ezintasun arrazoiak dituztenean.
- d) Estatutu hauetako 16. artikulua aplikatuz, Batzar Nagusiak kargua baliogabetzea erabakitzen duenean.
- e) Hiltzen badira.

Bestalde, a) idatz zatian agertzen dena baldin bada kargua uzteko arrazoiak, Zuzendaritza Batzordeko kideek jardunean jarraituko dute lehenengo Batzar Nagusia egin arte. Batzar horretan aukeratuko dira kargudun berriak.

Halaber, b), c), d) eta e) idatz zatietan agertzen dena baldin bada arrazoiak, hutsik gelditutako kargua betetzeko norbait behin-behingo izendatuko du Zuzendaritza Batzordeak, eta Batzar Nagusiak erabakiko du izendapena onetsi ala ez. Ezetsi egiten badu, behar diren kargu izendapenak egingo ditu.

Organo honen osaeran egiten diren aldaketa guztien berri emango zaio Alkarteen Erregistroari.

20. artikulua.- Hona Zuzendaritza Batzordearen eginkizunak:

- a) Alkartearen eguneroko kudeaketaz arduratzea, Batzar Nagusiaren jarraibideekin bat etorritik eta haren kontrolpean.
- b) Alkarteak aurrera eramango dituen ekintzen egitaraua egitea.
- c) Gastu eta sarreraren urteko aurrekontua eta aurreko urteko kontuen egoera orria Batzar Nagusiari aurkeztea, hark onar ditzan.
- d) Batzar Nagusiaren bileretako gai zerrendak egitea, eta ohiko nahiz ezohiko Batzar Nagusietarako deialdiak egitea erabakitzea.
- e) Bazkideek egiten dituzten proposamen eta iradokizunei erantzutea eta horien inguruan hartu beharreko neurriak hartzea.
- f) Estatutu hauetako aginduak interpretatzea eta Estatutuetako hutsuneak betetzea, betiere alkarteen inguruan indarrean dauden legeekin bat etorritik.
- g) Batzar Nagusiak berariazko erabakien bidez ematen dizkion eskumenak erabiltzea, betiere ez badira haren eskumen eskusibokoak.

21. artikulua.- Zuzendaritza Batzordearen bilkurak presidenteak erabakitzen duen bakoitzean egingo dira, nahiz bere ekimenez nahiz edozein batzordekideek eskatuta. Bilkurako buru presidentea izango da, eta hura ez balego, presidenteordea; eta bi horien faltan, batzordekide zaharrena.

Batzordeak hartutako erabakiak baliozkoak izateko, biltzen diren batzordekideen gehiengoak aldeko botoa eman behar du. Horretarako, gutxienez batzordekideen erdiak egon beharko du bilkuran. Berdinketarik egonez gero, presidentearen kalitateko botoa izango da erabakiko duena.

Idazkariak bilera aktak egingo ditu, eta akta horiek gero dagokion liburuan transkribatuko dira.

Zuzendaritza Batzordeko kideak

Lehendakaritza

22. artikulua.- Alkarteko presidenteak beregain hartuko du alkar-tearen legezko ordezkaritza, eta Zuzendaritza Batzordeak eta Batzar Nagusiak hartutako erabakiak gauzatuko ditu. Era berean, aipaturiko bi organo horien presidente izango da.

23. artikulua.- Presidenteak honako ahalmen hauek izango ditu:

- a) Zuzendaritza Batzordearen eta Batzar Nagusiaren bilera deiak egin, bilerak bukatutzat eman, bileretan sortzen diren eztabaidak bideratu, eta boto berdinketa gertatuz gero kalitate botoarekin erabakitzea.
- b) Alkar-tearen ekintzen egitasmoa Zuzendaritza Batzordeari proposatzea, eta alkar-tearen zereginak bultzatu eta bideratzea.
- c) Baliotasunez erabakitako ordainketak egiteko agintzea.
- d) Sortzen diren premiazko arazoak konpontzea, eta egiten den 1. bilkuran Zuzendaritza Batzordeari horren berri ematea.
- e) Batzar Nagusiak berariazko erabaki bidez ematen dizkion eskumenak erabiltzea, betiere ez badira haren eskumen eskusibokoak.

Lehendakariordetza (egonez gero)

(24. artikulua.- Presidenteordeak preside-teari lagunduko dio, eta presidenteak ezin badu aldi batean bere kargua bete, presidenteordeak ordezkatuko du. Era berean, presidenteak berariaz eskuordetzen dizkion ahalmen guztiak izango ditu.)

Idazkaritza

25. artikulua.- Idazkariari dagokio, zehazki, alkar-tean sartzeko eskabideak jaso eta izapidetzea, fitxategia eta Bazkideen Erregistro Liburua zaintzea, eta Akta Liburuaren zaintzaren eta idazketaren ardura izatea.

Era berean, alkar-teen arloan indarrean dauden legezko xedapenak betetzeaz arduratuko da, erakundearen agiri ofizialak zainduz, alkar-tearen liburuaren eta artxiboen edukia egiaztatuz eta Zuzendaritza Batzordeko izendapenen eta egoitza sozialaren aldaketen berri emateko egin beharreko jakinerazpenak eginez agintari eskudunari.

Diruzaintza

26. artikulua.- Egindako diru sarrera eta ordainketen berri emango du diruzainak, eta diru sarrera eta gastuen urteroko aurrekontua eta aurreko urteko kontuen egoera ere jakinaraziko du. Horiek guztiak Zuzendaritza Batzordeari aurkeztu behar dizkio, eta horrek Batzar Nagusiari, hark onartu ditzan.

Bokalak

27. artikulua.- Bokalek beren karguei datxekzien funtzioak izango dituzte, Zuzendaritza Batzordeko kideak diren aldetik (alkartearen zuzendaritza eta kudeaketa arrunta), baita batzordeak berak eskatzen dizkiena ere.

Hirugarren kapitulua

Bazkideak: onartuak izateko baldintza eta prozedurak, eta bazkide motak

28. artikulua.- Alkartekide izan nahi eta baldintza hauek betetzen dituzten pertsona guztiak izan daitezke alkarteko bazkide:

- Adin nagusikoa edo adingabe emantzipatua izatea, norberaren eskubideak erabiltzeko inolako lege baldintzaren menpe ez egotea eta ebazpen judizial irmoaren bidez eskubideen erabilera mugatuta ez edukitzea. Baita alaña-arrindatar familiaren senidea izatea edota horietako batekin hartuemon estua izatea.

Pertsona juridikoak direnean, eskumena duen organoak bere baitan hartutako erabaki baliodunaren kopia aurkeztu beharko dute, eta bertan adierazi bai elkartzeko borondatea, bai beren izenean arituko denaren izendapena.

29. artikulua.- Alkartean sartu nahi duenak idatziz aurkeztuko du bere eskabidea, bi bazkidek sinatuta eta presidenteari zuzenduta. Presidenteak eskaeraren berri emango dio Zuzendaritza Batzordeari, eta azken horrek erabakiko du eskabidea egin duena alkartean onartu ala ez. Erabakiaren aurkako gorako errekurtoa jar dakioke Batzar Nagusiari.

Bazkideen eskubideak eta betebeharrak

30. artikulua.- Bazkidetutako pertsona guztiek eskubide hauek dituzte:

- 1) Alkarteei buruzko Legearen edo Estatutuen kontrako erabaki eta jardunak inpugnatzea, inpugnatutako erabakiaren edukia ezagutu duten edo ezagutzeko aukera izan duten egunetik egutegiko 40 eguneko epean.
- 2) Alkartearen gobernu eta ordezkaritza organoen osaerari, alkartearen kontu egoerari eta alkartearen jarduerari buruzko informazioa jasotzea.
- 3) Alkarteko beste bazkideen nortasuna, diru sarreraren eta gastuen egoera, eta alkartearen ekintzen garapenaren berri edozein unetan izatea, datu pertsonalak babesteko arautegian aurreikusitako moduan.
- 4) Batzar Nagusietarako deiak jasotzea, Batzar Nagusietara joan eta hitz egin eta botoa emateko eskubidea erabiltzea, eta eskubide hori beste bazkideren baten esku utzi ahal izatea.
- 5) Alkartearen Estatutu hauen arabera, alkarteko zuzendaritza organoetan parte hartzea eta organo horietarako hautatzaile nahiz hautagai izatea.
- 6) Indarrean dauden legeetan zehaztutako bazkideen fitxategian agertzea, eta alkartearen ikurra, baldin badu behintzat, erabiltzea.
- 7) Estatutuen eta, egonez gero, barne araudiaren ale bana edukitzea, eta zuzendaritza organoei eskakizunak eta kexak aurkeztea.
- 8) Talde ekintza sozialetan parte hartzea, eta bazkideentzako tresnak erabiltzea (alkartearen egoitza, liburutegiak, eta abar).
- 9) Bazkideari diziplinazko neurriak ezarri aurretik, bazkideak idatziz adierazitakoa kontuan hartzea eta neurri horiek hartzea eragin duten arrazoiei buruzko azalpenak jasotzea. Neurriak hartzeko arrazoiak bazkideei dagozkien betebeharrak ez betetean soilik oinarritu daitezke.
- 10) Edozein unetan baja ematea. Hala ere, hartu bai baina bete gabe dituzten

konpromisoak bete beharko dituzte.

31. artikulua- Hona bazkideen betebeharrak:

- a) Alkartearen helburuekin bat etortzea eta helburu horiek betetzen laguntzea.
- b) Kuotak, derramak eta Estatutuen arabera bazkide bakoitzari dagozkion bestelako ekarpenak ordaintzea.
- c) Estatutuetatik eratorritako bestelako betebeharrak betetzea.
- d) Alkarteko zuzendaritza organoek baliotasunez hartutako erabakiei men egin eta erabaki horiek betetzea.

Bazkide izateari uztea

32. artikulua.- Bazkide izaera honelakoren bat gertatuz gero galduko da:

- 1. Bazkidea hiltzen bada (edo, pertsona juridikoen kasuan, desegiten bada).
- 2. Bazkidea bere borondatez joaten bada.
- 3. Honelako egoeraren bat gertatzen bada: estatutu hauetatik ondorioztatutako betebeharrak modu larritz ez betetzea, behin eta berriz, eta nahita, edo gauza bera gertatzea Batzar Nagusiak edo Zuzendaritza Batzordeak hartutako akordio baliodunei dagokienez.

Zigor arauak

33. artikulua.- Bazkideek behin eta berriz hausten badituzte Estatutuak edo Batzar Nagusiak nahiz Zuzendaritza Batzordeak hartutako erabakiak, Zuzendaritza Batzordeak bazkide horiek zigortu ahal izango ditu.

15 egunetik hilabetera eskubideak kentzetik hasi eta alkartetik betiko kanporatzera arteko zigorra ezar daiteke, ondorengo artikuluek adierazitako moduan.

Horretarako, zigorgarriak izan daitezkeen jokabideak aztertzeko ikerketa egin dadila erabaki dezake presidenteak. Ikerketaren instruktorea idazkaria izango da, eta berak proposatuko dizkio Zuzendaritza Batzordeari hartu beharreko neurriak.

Zigorra ezartzeko ahalmena Zuzendaritza Batzordeak izango du, idazkariak ez du horretan parte hartzerik izango (instruktorea delako), eta zigorra ezarri aurretik interesdunari entzunaldia eskainiko zaio. Zigortzeko erabakia arrazoitu egin beharko da beti, eta erabaki horren aurkako errekurtsioa jarri ahaliko zaio Batzar Nagusiari.

34. artikulua.- Bazkideren batek alkartetik kanporatua izateko moduko ustezko egintzaren bat egiten badu, hau da, Estatutuetatik eratorritako betebeharrak eta Batzar Nagusiak edo Zuzendaritza Batzordeak baliotasunez hartutako erabakietan ezarritako betebeharrak nahita eta larriki behin eta berriz hausten baditu, gertaeren berri izatearren, presidenteak idazkariari agindu diezaioke aurretiazko eginbide zehatz batzuk egin ditzala, behar den informazioa jasotzeko. Eginbide horiek ikusita, presidenteak erabaki dezake jarduerak artxibatzeko agintzea edo alkartetik kanporatzeko zigor espedienteari hasiera ematea.

35. artikulua. Alkartetik kanporatzeko zigor espedientea hasten bada, idazkariak, gertakariak egiaztatu ondoren, idatzi bat bidaliko dio interesdunari, leporatzen zaizkion karguen berri emateko. Kargu horiei erantzuteko, interesdunak bere aldeko arrazoiak azaldu ahal izango ditu hamabost eguneko epean. Epe hori amaituta, edonola ere, Zuzendaritza Batzordearen lehenengo bilkurako gai zerrendan sartuko da kasua, eta

batzordeak hartuko du erabakia. Erabakian ez du botorik izango espedienteko instruktorea izan den idazkariak.

Alkartetik kanporatzeko erabakia interesdunari jakinaraziko zaio, eta, era berean, hurrengo ezohiko Batzar Nagusian errekurtsioa aurkez dezakeela azalduko zaio. Hiru hilabeteren barruan batzarrik egiten ez bada, batzar bat egin beharko da horretarako bakarrik. Bitartean, Zuzendaritza Batzordeak inputatuari bazkide eskubideak etetea erabaki ahal izango du, eta Zuzendaritza Batzordeko kide bada, kargu hori utzarazi beharko dio.

Batzar Nagusiari kanporatzeko espedienteak aurkeztuz gero, idazkariak espedientearen laburpena egingo du, Zuzendaritza Batzordeak interesdunak aurkeztutako idatziaren eta egintzen berri zehatza Batzar Nagusiari eman ahal izateko, azken horrek dagokion erabakia har dezan.

36. artikulua.- Kanporatzeko erabakia arrazoitu egin behar da beti, eta erabaki hori interesdunari jakinarazi behar zaio. Interesdunak, eskubideaz baliatuz, auzitegietara jo ahal izango du bere ustez erabakia legearen edo Estatutuen aurkakoa bada.

37. artikulua.- Bazkideren bati kanporaketaren berri ematerakoan —berak nahi izanda edo zigorra ezarri zaiolako— bete gabe dituen betebeharrak bete ditzala eskatuko zaio.

Laugarren kapitulua

Sortze ondarea eta aurrekontu arauak

38. artikulua.- Alkartearen HASIERAKO ONDAREA 100 eurokoa da.

39. artikulua.- Alkarteak, bere jarduerak aurrera eramateko, diru baliabide hauek aurreikusten ditu:

- a) Ondare ekarpenak.
- b) Erabakitzen diren aldizkako kuotak.
- c) Alkartearen ondasun eta eskubideetatik datozen emaitzak, eta lege jasotzen dituen diru-laguntzak, legatuak eta dohaintzak.
- d) Zuzendaritza Batzordeak Estatutuen helburuak lortzeko egin beharreko zat jotzen dituen jardura zilegietatik datozen diru-sarrerak.

ALKARTEAREN EKITALDIA ETA EKITALDI EKONOMIKOA urte betekoa izango da, eta urte bakoitzeko abenduaren 31an itxiko da.

Jardura ekonomikoak gauzatuz (zerbitzuak ematea barne) alkarteak lortzen dituen irabaziak bere helburuak betetzeko baino ez dira erabili beharko. Inola ere ezingo dira bazkideen artean banatu, ez eta haien ezkontideen edota haiekin antzeko afektibitate-harremanean bizi diren pertsonen artean eta haien senideen artean ere. Ezingo zaizkie, halaber, irabazteko asmoa duten pertsona juridiko edo fisikoei doan laga.

Bosgarren kapitulua



Estatutuak aldatzea

40. artikulua.- Estatutuak aldatzea propio horretarako deitutako bazkideen ezohiko batzar orokorrean erabaki behar da. Zuzendaritza Batzordeak hiru bazkidek osatutako batzorde-txostengile bat izendatuko du, aldaketa-egitasmoa idazteko. Egitasmo hori Zuzendaritza Batzordeak ezarritako jarraibideen arabera egingo da, eta batzorde berak jarriko du egitasmoa amaitzeko epea.

41. artikulua.- Aldaketa-egitasmoa epe barruan idatzi eta gero, presidenteak Zuzendaritza Batzordearen hurrengo bilkurako gai-zerrendan sartuko du. Zuzendaritza Batzordeak egitasmoa onartuko du, edo, bestela, lantaldeari itzuliko dio, berriz aztertu dezan.

Onartua izanez gero, Zuzendaritza Batzordeak egiten den hurrengo batzorde orokor ezohikoaren gai-zerrendan sartzea erabakiko da.

42. artikulua.- Batzarrerako deiarekin batera, Estatutuetak aldaketen testua bidaliko da, bazkideek egoki iruditzen zaizkien zuzenketak Idazkaritzan aurkeztu ahal izateko. Zuzenketa horiek Batzar Nagusiari helaraziko zaio, batzarra egin baino zortzi egun lehenago jaso badira Idazkaritzan.

Zuzenketak banaka nahiz taldeka egin daitezke, idatziz, eta aukerako beste testu bat izan beharko dute. Zuzenketak bozkatu ostean, Batzar Nagusiak Estatutuak aldatzeko erabakia hartuko du, eta Alkarteen Erregistro Orokorrean inskribatzen denetik aurrera baino ez du eragina izango beste hirugarrenengan.

Seigarren kapitulua

Alkartea desegitea eta alkarte-ondarearen zertarakoa

43. artikulua.- Alkartea honelako kasuetan ezabatuko da:

1. Bazkideek hala nahi dutelako. Nahi hori horretarako bildutako ezohiko Batzar Nagusian azaldu beharko da.
2. Estatutuetan finkatutako epea edo baldintza bete delako.
3. Beste alkarte batek xurgatu duelako edo beste alkarte batzuekin bat egin duelako.
4. Legez ezarritako gutxieneko bazkide-kopururik ez duelako.
5. Epai irmo batek alkarte desegitea agintzen duelako.
6. Alkartearen helburuak betetzea ezinezkoa delako.

44. artikulua.- Alkartea deseginez gero, horixe erabakitzen duen batzar orokor ez-ohikoak Batzorde Likidatzaile bat izendatuko du, eta hark hartuko ditu bere gain dauden funtsak.

Bazkideekiko eta besteekiko alkarte-betebeharrak bete ondoren, geratzen den alkarte-ondarea, geratzen bada behintzat, irabazi asmorik gabeko erakunde bati edo irabazi-asmorik gabeko ekimenen bati eman beharko zaio.

Xedapen iragankorra

Eraketa-aktan behin-behingo izendatuak agertzen diren Zuzendaritza Batzordeko kideek

egiten den lehenengo Batzar Nagusiaren esanetara jarri beharko dute beren izendapena.

Azken xedapena

Estatutu hauek garatzeko asmoz, Batzar Nagusiak barne araudia onartu ahal izango du, baina horrek inolaz ere ez ditu Estatutuetako aginduak aldatuko.

